



Pou Piblikasyon Imedya: 06/02/2024

GOUVÈNÈ KATHY HOCHUL

**GOUVÈNÈ HOCHUL PIBLIYE PWOKLAMASYON KI DEKLARE FEVRIYE KÒM  
MWA SANSIBILIZASYON SOU VYOLANS NAN RELASYON ANMOURE  
ADOLESAN**

*Li mande pou limen moniman eta yo nan koulè oranj aswè a, 6 fevriye, pou onore  
sivivan yo*

*Biwo pou Prevansyon Vyolans Domestik nan Eta New York la lanse yon ti tès sou  
relasyon ki sen*

*Biwo pou Prevansyon Vyolans Domestik nan Eta New York la lanse kanpay "Siyal  
Vèt" sou rezo sosyal yo*

*Li pwoklamasyon an isit la*

Gouvènè Hochul te rekonèt fevriye jodi a kòm [Mwa Sansibilizasyon sou Vyolans nan Relasyon Anmoure Adolesan](#) nan Eta New York. Gouvènè a te pibliye yon pwoklamasyon tou epi li te mande pou yo limen moniman yo nan Eta a nan koulè oranj aswè a, 6 fevriye, an rekonesans Jounen Sansibilizasyon sou Vyolans nan Relasyon Anmoure Adolesan. Kòm kowensidans ak pwoklamasyon sa a, Biwo pou Prevansyon Vyolans Domestik (Office for the Prevention of Domestic Violence, OPDV) nan Eta New York la te lanse yon [Ti Tès sou Relasyon ki Sen](#) ki vize pou ede detekte diferans ant Siyal Vèl ak Siyal Wouj, epi kanpay "Siyal Vèt" sou rezo sosyal yo.

"Atravè rezo sosyal ak lòt medya teknologik, adolesan yo ap bonbade pa presyon sosyete a, epi se responsablite nou pou sipòte yo pandan y ap fè fas a pyèj ak ensètitid adolesans yo," **Gouvènè Hochul te deklare**. "Administrasyon mwen an angaje pou l devlope resous pou fanmi yo, lekòl yo ak kominate yo pou elajji edikasyon sou sante mantal jèn yo ak konsèy sou konpòtman pandan n ap travay pou mete fen nan vyolans nan relasyon anmoure adolesan yo yon fwa pou tout."

**Direktè Egzekitif Biwo pou Prevansyon Vyolans Domestik Eta New York la, Kelli Owens, te deklare**, "Adolesan ak jèn adilt yo se youn nan popilasyon ki pi vilnerab pou vyolans nan relasyon anmoure, espesyalman abi teknoloji rann fasil. OPDV kontan anpil pou l lanse 'Ti Tès sou Relasyon Sen' nou an pou ede moun aprann diferans ki genyen ant siyal 'Wouj' ak 'Vèt' nan yon relasyon. Nou ankouraje moun tout laj pou yo

fè ti tès sa a epi aprann plis sou vvolans nan relasyon adolesan. Mèsi, Gouvènè Hochul, paske w rekonèt jan vvolans ki genyen nan relasyon adolesan yo ap repann yo epi paske w ap fè sansibilizasyon sou sa atravè Eta New York."

OPDV lanse yon [Ti Tès sou Relasyon ki Sen](#) – ti tès sa a pèmèt moun aprann kijan pou yo idantifye ak fè fas a Siyal Wouj ak Vèt nan yon relasyon entim. Ti Tès sou Relasyon Sen OPDV a pèmèt patisipan yo chwazi repons a plizyè senaryo pou aprann sou chwa ki sen (siyal vèt) ak chwa ki malsen (siyal wouj) nan relasyon entim. Moun ki pran ti tès sa a pral resevwa yon nòt "relasyon sen" nan fen an ansanm ak enfòmasyon enpòtan sou poukisa repons yo se Siyal Wouj oswa Vèt.

OPDV ap fè patenarya ak ansyen jwè aryè pozisyon (quarterback) NFL Don McPherson ak gouvènman Konte Erie a pou pote *Kòmanse konvèrsasyon an: Angaje Gason ak Ti Gason* ak lide Maskilinite Aspirasyon nan Somè Jèn 2024 sou Sansibilizasyon sou Vvolans nan Relasyon Adolesan. Patenarya sa a pral kontinye travay OPDV ak Don McPherson ap fè pou mennen gason ak ti gason nan konvèrsasyon sou vvolans domestik ak tout vvolans ki baze sou sèks.

An rekonesans ak Mwa Sansibilizasyon sou Vvolans nan Relasyon Anmoure Adolesan an, Biwo pou Prevansyon Vvolans Domestik (OPDV) nan Eta New York pral òganize yon diskisyon sou *Modènize Maskilinite: Kijan Gason ak Ti gason yo ka Brize Sik la epi Rive nan Maskilinite Aspirasyon* nan dat 28 fevriye 2024 an patenarya ak John Jay College of Criminal Justice. Evènman an pral prezante diskisyon sou maskinite modèn epi sou fason sosyete a ka elimine maskilinite toksik epi rive nan maskilinite aspirasyon pou vin pi bon alye, patnè, ak moun.

**Komisè Pa Enterim nan Biwo Sèvis Timoun ak Fanmi yo (Office of Children and Family Services, OCFS) nan Eta New York, Suzanne Miles-Gustave, te deklare,** "Pandan adolesan yo ap eksplor relasyon anmoure yo, nou dwe fè tout sa nou kapab pou ede yo idantifye diferans ki genyen ant entèrakson ki an sekirite ak sa ki ka kreye domaj ak twomatis. Enflyans k ap grandi nan rezo sosyal ak lòt entèfas ki baze sou entènèt mete yo nan menm pi gwo risk pou yo wè ak tandé mesaj ki pa awopriye. Nou pa kapab remèsyé Gouvènè Hochul ase paske li te asire jèn yo ke Eta a angaje pou pwoteje jèn Nouyòkè yo epi nou rekonesan egalman pou patnè nou yo nan OPDV paske yo te bay aksè dirèk ak resous vital sa yo. OCFS tèlman fyè pou I fè pati efò sa a lè I finanse pwogram prevansyon ak sèvis sipò pou sivivan yo, ansanm ak ofri zouti edikatif. N ap ede aplike modèl An Sekirite ak Ansanm (Safe and Together), yon pwogram entèvansyon ki baze sou fòs pou fanmi ki afekte pa vvolans domestik, epi Divizyon Jistis Jivenil nou an te lanse tou Pwogram Yon Sèl Lanmou (One Love), ki pèmèt jèn yo idantifye epi evite relasyon ki malsen."

**Komisè Sante Eta New York Ia, Doktè James McDonald, te deklare,** "Mèsi Gouvènè Hochul ak Biwo Eta New York pou Prevansyon Vvolans Domestik pou lidèchip yo nan edike jèn yo sou danje vvolans adolesan yo ak pou onore moun ki siviv zak sa yo. Depatman Sante Eta a ankouraje adolesan yo aprann idantifye diferans ki genyen ant sa ki se yon relasyon ki sen ak sa ki kapab potansyèlman yon sitiyasyon danjere."

**Komisè Divizyon Sèvis Jistis Kriminèl la, Rossana Rosado, te deklare, "Nan DCJS,** nou travay chak jou pou fè kominate yo vin pi solid ak pi an sekirite — epi yon pati enpòtan nan travay sa a enplike konekte ak, konprann, ak sipòte jèn nou yo ak jèn moun yo. Ajans nou an aplike tou pwogram entèvansyon kont vyalans domestik ak sou patnè entim ki pwouve nan jiridiksyon GIVE nou yo. Nou ede tou asire ajans ki fè respekte lalwa yo resevwa fòmasyon pou ede viktima vyalans domestik yo ak sivivan yo avèk pwofesyonalis, sansiblite, ak yon konpreyansyon sou fason repons a twomatis yo ka afekte viktima abi yo. Nou fyè pou nou fè patenarya ak Gouvènè Hochul, OPDV, ak lòt patnè ajans leta ak lokal nou yo pou mete aksan sou efò kolektif nou yo pou anpeche vyalans sou adolesan ki nan relasyon yo."

**Direktè Enterimè ak Konseye Biwo Sèvis pou Viktima Ian, John Watson, te deklare,** "OVS pran angajman pou I kanpe ak ede moun ki viktima krim tout laj ak tout orijin. Vyalans nan renmen ant adolesan yo grav menm jan ak vyalans ant granmoun, epi, an reyalite, adolesan yo ka pi vilnerab pase granmoun yo pou vin viktima vyalans patnè entim. Nou remèsyé Gouvènè Hochul ak OPDV dèské yo te atire atansyon sou pwoblèm enpòtan sa a epi paske yo te lanse zouti ki ka ede adolesan yo rekonèt siy vyalans nan relasyon anmoure yo; OVS ap kontinye bay sipò ak resous bay moun ki viktima."

**Pami moniman yo pral limen yo genyen:**

- 1WTC
- Pon Gouvènè Mario M. Cuomo (Governor Mario M. Cuomo Bridge)
- Pon Kosciuszko (Kosciuszko Bridge)
- Batiman SUNY H. Carl McCall Ian
- Batiman Edikasyon Eta a (State Education Building)
- Batiman Alfred E. Smith State Office (Alfred E. Smith State Office Building) la
- Empire State Plaza
- Pak Ekspozisyon Eta - Pòtay Prensipal ak Sant Ekspozisyon
- Chit Nyagara (Niagara Falls)
- Tèminal Grand Central (Grand Central Terminal) la - Vyadik Pershing Square (Pershing Square Viaduct) a
- Pòtay Entènasyonal Ayewopò Albany (Albany International Airport Gateway)
- MTA LIRR - East End Gateway nan Penn Station
- Pon Flotan nan Fairport (Fairport Lift Bridge) sou Kanal Erie a
- Moynihan Train Hall
- Pak Eta Istorik Walkway Over the Hudson

[Biwo sou Prevansyon Vyalans Domestik nan Eta New York](#) se sèl ajans eta nan nivo egzekitif peyi a ki devwe ak pwoblèm vyalans ki baze sou sèks. Liy Asistans pou Vyalans Domestik ak Seksyèl disponib 24/7: 800-942-6906 (apèl), 844-997-2121 (tèks) oswa [@opdv.ny.gov](mailto:@opdv.ny.gov) (tchat). Moun yo ka ale tou sou [www.ovs.ny.gov/connect](http://www.ovs.ny.gov/connect) pou jwenn yon pwogram asistans pou viktima nan kominate yo a.

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)